



受領第	149684	門	四	部	四〇三號
號		一	三	冊	
佛教專門學校圖書					
大正	一	年	六	月	
購入					

0931	貴	年
13	重	月
15	書	日
佛教大學藏書		
第	149684	号



鈔字七

觀經散善義傳通記卷第三

本日次就下至中品下生竟

釋云上來料簡中品中生已竟自下解中品下生

中三謂標釋結釋中文自為七一弁位各中世善

上福者問世善只是一品受法既無次下何云上

福答世善雖是一品受法而一品中可有上次下

故舉上福顯次下福所謂一品華開遲速即其義也

又對下惡人摠以世善歎言上福非對次下以各

上福唯當品文獨云善男善女而餘品無此文故

儀釋

本泉寺

釋良忠述



又世善輕微故唯有三福纔生淨土次下恐難生
故上文云世善輕微感報不具問若余應無世善
通九品義次下二福許不生故答今文且顯世善
微力其實次下亦得往生例如小經雖說小善不
生而實往生豈以行劣都云不生二明簡機善法
中經善男善女者上中六品雖俱善人當品云善
以終顯始又對下品方云善人授法者餘品云受
彼約所化今約能化或可寫悞應云受法如五百
弟子授記品記云應是字受經孝養父母行世仁

慈者靈芝云初修因中執勞侍奉順色承志故名
孝養父母儒教以為百行之本推愛及物博施濟
衆故云行世仁慈儒宗以為君子之德由生前積
善故臨終遇緣正觀記云修因中初釋孝養執
勞者語云事父母以竭其力也侍奉者即晨昏定
省冬溫夏清之類順色者語云子夏問孝子曰色
難注曰承顏順色則為難也承志者禮記曾子曰
君子之謂孝者先意承志詢父母於道也儒教下
二句結上孝為行本語云孝悌也者其為仁之本

黜推下次釋仁慈無所而不愛謂之仁故云推愛
及物博施濟眾亦出論語蓋由施恩濟人為易所
患不能博濟猶為易所患不能眾堯舜尚患其
難況餘人乎儒宗下二句結上仁慈為德語云一
日尅已復禮天下歸仁焉遇緣者由假平日孝養
仁慈之善得為臨終遇知識之緣也此奉順六親
者律新學名句云一父二母三兄四弟五妻六子
比梵網古迹云父母伯叔兄弟比合上初福第一
第二句者問經無奉事師長何云合第二句答此

善雖多合而為二一敬上行謂孝養父母奉事師
長是也二慈下行謂慈心不殺修十善業是也今
敬上行中唯舉孝養父母而顯奉事師長經文雖
略而有其義故云合第二句也起於慈敬者見物
遭苦有士庶人亦有君父見卑者苦只起仁慈見
貴者苦並起慈敬又孝行之法不憍賤者孝經云
治天下者不憂小國之臣况於公侯伯子之男乎
治國者不憂鰥寡况於士民乎治家者不憂臣妾
夫况於妻子乎比分別敬上慈下之時慈敬雖殊

摠論孝行以敬為本也問何故不以行世仁慈而合序文答文無者略若欲合者應言合上初福三四句也四正明此品之人等者今此一段雖無經文而為摠顯世善大意更立虛科謂不見聞佛教法故亦不解知出離要道設雖見聞佛法而有不求出離今舉不聞不怖之類故云亦不解怖孝行非必佛教故云自然也又世字含此意三明第八門中命欲終時下等者問因准諸品命欲終文多屬第九門然何今文屬第八門答第九門者在聖

迎攝設難終時若無聖迎何屬第九凡九品中上五品十一門前後次第無有雜乱下品三生至臨終同時具前八門當品獨受法在平生迴向在終時故以今文屬第八門次下聞此事已屬第九門月七意耳經善知識者靈芝云二遇緣中以善化人眾所知識知其道德識其儀貌法華妙莊嚴王云善知識者是大因緣即指妻兒為善知識故知但能開導不局僧侶上經說四十八願者此人未遇佛法怖求出離故說佛願攝生之法而令迴向

丑善也四明第九門中得生之益去時遲疾者此
品人往生時可有來迎經略不說品々之中有十
一門何局當品無迎接也况復佛願不虛願往生
者必可感佛迎若不來迎第十九願便是徒設問
淨影云中輩三人有見不同中上中々二人見佛
中下不見以行劣故又感師引有釋云中品三人
佛以大慈大悲臨終之時而來迎接非是本願故
中品下生者佛不來迎非是經文脫也燥與自
義同之荅
此等所解違十一門何初用之五明第十門中經

生經七日遇觀世音者問中品中生亦云七日二
品華開何齋等乎荅般舟讚云七々日後寶華開
以此得知中下品中有衆機故讚論極遲經說極
速中々七日且約極遲故不雜乱又哲光云或第
七日朝夕有異或雖至第八九日未至二七日故
隨大數同言七日也此又疏抄云經即生西方生
經七日等者問中下之人為不乘華不託蓮乎若
余豈劣下品乎又河同中々經七日乎又上下人
經三七日了々聞法今何云七日聞法荅文略不

云詭蓮理必應有准下上品經七日華開理應
中下經三七日華開開已經七日聞法又上下人
大乘難悟故經三七日未了問下三品人華開
即聞法此上下及中下何經數日不聞法耶答蓮
中已經多時故開已即聞此六明華開得益中得
聞妙法者說四諦法名爲妙法問當品之人未遇
佛法若入佛法應不定機何不直說大乘法也答
仁慈是止惡故難通大小兩乘正論攝屬則是小
戒故五常行成小乘果也又知禮云問到彼證小

皆順本習今此行人本習世善是人天因非聲聞
行至彼那阿羅漢乎答孝養仁慈大小基礎何教
不談而其阿含偏論此善以果驗因是依三藏行
孝順等雖行世善心在無常既又標心無漏道熟
故證小果此三摠讚中一日齋戒者略舉八戒顯
五十具佛與聲聞衆來取者智昇諸經禮讚云佛
與聲聞衆來集各有其理言來取者來迎攝取言
來集者直來集耳百寶華者般舟讚云百寶蓮華
臺上座此但彼土蓮華一寶七寶百寶不可說寶

不可一准經七日者且約中下時分不云中
上證小真者即是小乘應真果也
本曰十六下至下輩三位竟

釋云上來第二料簡中輩一門之義已竟自下第
三解下輩中有三一先摠標列十一門二次別解
下三品三摠讚今則其初下輩觀善惡二行者上
中二輩是善人故唯云行善下輩三人始惡終善
故標善惡二行而與上中兩輩均有緣生類者上
輩文前云有緣之類文中云有生之類今合其緣

與生云有緣生類又生者眾生謂有緣衆生類也
受苦樂二法不同者應云受善惡二法不同而苦
樂者善惡勢力現受苦樂即以業用而顯業體或
善惡業有當苦樂名受苦樂即是因中說果也問
惡業非是往生受法故下上品即以惡業判屬簡
機不屬受法答以惡業屬五六兩門各有其理謂
上六品唯善人故就善受法以簡其機下品三生
並具善惡二業是故簡上六品以惡受法而成其
機依之當處及以下中下兩品皆以造惡屬第

六門惡業受法非往生因故下上品屬第五門各
據一義並不相違但雖屬第六門而非生因故只
云簡機造業不置受法言耳問若言念佛即下品
受法者何故下三品文中以念佛不屬第六門亦
不云受法亦不合三福此義何通答文前既云善
惡二行云受苦樂法言樂法者猛火為清風即是
念佛屬受法也所以文中不屬者且為簡異六品
以惡業為受法也曲看三生之文下中下下二品
以造惡屬第六門已次下說念佛即顯念佛亦第

六門之義但上六品受法皆在平生不云臨終下
三品造惡同是平生故彼此相對判九品別也下
上品中衆生造惡同為第五門且顯機失其實造
惡是受法也次說念佛雖俱受法為令知生不生
義為三四文段下中品中入第九門具足簡機等
六門故若云第九第六門者逆而非次第故不云
第六也下下品中別標第五第六門下判釋抑止
攝取之義故知五逆之與十念同為受法但至第
四文段之中所以別釋念法者惡業念佛為二段

意非言念佛不為受法若云念佛非受法者大違
文前又所以不合三福者讓上六念合大乘意義
之文故選擇集合第三福也
本曰次就下至下品上生竟

釋云上來第一釋十一門義已竟自下第二別解
三品謂上中下今則其初中三謂標釋結釋中文
自為九二明辯定其位中十惡輕罪者此對破戒
次罪五逆重罪也三明第五門中經或有眾生者
此對上六品善人亦對下次重罪四明臨終闍法

中經命欲終者問當品終時地獄現耶答道理容
有三品俱惡人故故般舟讚云地獄芥子眼前現
經文略也但感師判無惡相者且順經文述罪滅
異也經十二部經者靈芝云契經乃至論義比又
用欽云或華嚴或法華或光明或說此經之名各
十二部經比今家順經等十二下云聞經十二
故又九品義具有二義初同靈芝後同用欽問曰
何故聞經等者問意可見次答意者十二經題其
言多故令心浮散由心散故唯滅千劫罪一聲佛

其字少故攝散住心復兼口稱有此二義故滅
多劫罪也此中亦可述本願義讓下化讚故今略
耳又九品義云問曰經是佛師德豈劣何故唯滅
千劫罪稱佛名除五十億劫答曰只聞名而不口
稱故唯除千劫罪今非唯聞名兼亦口稱故除多
劫罪非是佛與經功德有勝劣又釋阿彌陀佛由
昔因位大願力故今稱名者滅多劫罪十二部經
三世常住非如彼佛有因果位故不同也又釋十
二部名散動心時聞餘心間雜故唯除千劫罪阿

彌陀名以最後心稱餘心不染故滅盡五十億劫
是因心而致不同非境有勝劣矣比稱佛一聲者
經雖無念數以理唯知應是一聲若有多念如下
下品可說其數既不說數知是一聲又下二品同
云一念除八十億當品纔滅五十億劫更不應言
多念滅罪故感師亦在一聲義五明第九門中經
善男子者當品之人本雖惡人迴心念佛則滅惡
障故讚云善然望佛願意者等者釋迦舉佛讚勸
機今稱名故云唯勸夫以名号為本願者選擇集

云勝劣難易有二義故念佛以為本願蓮華各云
念在內言影外行者信佛放心深故出聲而唱佛
救我也以是義故行者三業不離弥陀弥陀因中
五劫思惟遙暨此刹發稱名願勝願院云凡夫行
中稱名最勝所以然者凡夫雖修自餘妙行其心
散漫而不相續其行難成唯稱名行常不忘佛不
忘佛故成決定業謂心忘佛時口稱佛名其聲入
我耳引起我心念念不若起此念亦勸聲令唱佛
名是故念勸聲聲起念常不忘佛有此益故法藏

比丘立稱名願實望凡夫時萬行萬善中稱名最
一行仰案佛願意感淚難抑矣此等二義不出選
擇難易義也雜散之業者聞經是雜行亦是心散
業故云雜散之業如此經等者有二義一如此經
者指三經也及諸部者指自餘諸經如字可變自
此字二此經者觀經也及諸部等者指壽經等如
字可變自中字六明第十門中經七日者經云七
七日恐七字脫也故般舟讚云七十華開得見佛
比七明第十一門中經為說甚深十二部經者問

唯可說念佛如終時化讚。答念佛即是大乘妙行。故說迷經彰佛號功德則如下中下。兩品終時唯聞念佛功能到彼觀音或說甚深妙典或說諸法實相。此乃佛名雖似淺近而名觸耳以結大乘成佛種子。是故觀音為說大乘亦如中上雖唯持五八十具戒而到彼已方聞四諦重舉行者之益者問上所說唯念佛之機與今三寶通念之機同異如何。答異也。問若云異者重字難消。答同一品攝故云重也。非但唯念佛生通念者亦生有云同。

也。今念佛者六念攝。故上略法僧今具說之。故知下三品念佛非本願念佛。云今云下品惡人念佛往生獨顯本願滅罪利益。故云望佛願意又會逆者除取又九品中有不說本願念佛之過。又九品義云問曰前六生中結文之後不明昔因何故此中有是文乎。答曰前六生人平生皆修淨土之因。謂修三因。解第一義發大道心。修行諸戒。一日夜戒。孝養仁慈。放生淨土。其理分明。今此品人造諸惡業。無有慚愧。不修善因。何緣忽生彼淨土耶。為

釋此疑重置此文謂雖平生不修善因而由臨終
聞三寶名故忽滅眾惡速生彼土也又云問曰十
二部經首題名字是聞法名聞阿彌陀如來名号
是聞佛名聞僧名者是何文耶答曰上文應說善
友復教稱觀世音及大勢至二菩薩名結文由此
云聞僧名而上無斯文是經家存略又釋斯中應
用一體三寶義上

本日次就下至下品中生竟
釋云上來第一解下品上生已竟自下第二解下

品中生中三謂標釋結釋中文自為七一明告命
中經佛告阿難者靈芝云上中兩輩止於上品標
佛告等獨下三品一一別標者以作惡在生變常
駭眾易感難信故類標示意令聽受上若依全家
品下皆有十一門故文有隱顯不限告命二明并
定其位中破戒次罪者上品三善自上至下中名
次善下品三惡從輕至重中名次罪如遠次近三
方便中名次也問前受佛戒縱後雖破何重十惡
答十惡唯是業道破戒亦加違制故云次罪凡此

品人惣有四失一破戒二偷僧物三不淨說法四
無慙愧故破戒罪重於十惡當來墮苦亦跡增盛
今依此義以定品位若依前所受戒功德如萎占
蔔猶有餘香出地獄已速近佛法出於生死若依
斯義破戒之者猶勝十惡無戒之人三明明機造
業中經偷僧祇物等者如玄義記邪命說法者以
邪因緣不淨說法利養活命故不淨說法名曰邪
命說法故大論云一者行者為利養故詐現異相
二者為利養故自說功德三者為利養故占相吉

凶為人說四者為利養故高聲現威令人畏故五
者為利養稱說所得供養以動人心邪緣活命故
是為邪命比又梵網明曠疏云邪法活命故云邪
命有四種一方邪謂通國使命二維邪謂醫方卜相
三仰邪謂仰觀星宿四下邪謂種植栽五穀等類
菩薩理應慈心愍物諸有所作不唐拾如河為利
邪求鹿行惡術不淨活命無慈損生下失信心上
失其旨比又准俱舍論貪欲所生身語意業惣名
邪命又經比丘見象鬪諍佛屬邪命又不淨說法

者如玄義記經無有慙愧者涅槃經十九云慙者
自不作罪愧者不教他作慙者內自羞耻愧者發
向人慙者羞天愧者羞人是名慙愧比無慙無愧
翻之可知俱舍論四云於諸功德及有德者無敬
無崇無所忌難無所隨屬說名無慙即是恭敬所
敵對法為諸善等所訶厭法說名為罪於此罪中
不見怖畏說名無愧至有餘師說於所造罪自觀
無耻名曰無慙觀他無恥說名無愧比光記引正
理云有說獨處造罪無耻名曰無慙若處眾中造

罪無愧說為無愧比廣如彼釋九品義云古來多
釋今日依一論以并差別者依自法力崇重賢善
羞耻過罪對治無慙息諸惡業是為慙也依世間
力輕拒暴惡羞耻過罪對治無愧息諸惡業是為
愧也比四明第九門中從命欲終時下至即得往
生等者問初至生死之罪未說迎接去時但說滅
罪定有迴向故可屬第八門何為第九門答先說
獄火來現為顯聖迎謂此品人命欲終時由眾惡
故獄火雖現由後善故化佛來迎蓋顯大乘妙術

速轉惡成善。善耳。善惡來迎者。惡業強。故其命未
終。苦相先現。如俱舍云。由彼惡業。勢力增強。不待
命終。苦相已至。先受現受。後受生受。此是名惡來
迎。一念稱名。功力妙。故命雖未終。聖眾先現。由彼善
業。勢力增強。不待命終。樂相已至。先受現受。後受
生受。是名善來迎。斯乃彌陀願力。勝用難思。轉苦
得樂。在於變掌。善惡業力。灼然可見。經地獄眾火
者。靈芝云。地獄眾火。則鑊湯。鑪炭。鎗銅。鐵丸。等天
台云。火車相現。即火輪也。因中果相。自心中業。比

正觀記云。火則是一隨器。不同故云眾也。天台云。
者別傳。曰垂滅之時。則令門人唱無量壽經。題願
大衆曰。四十八願莊嚴淨土華池寶閣。易往無人
火車相現。一念改悔。尚得往生。况吾戒慧薰修。等
自心業者。善惡因果。全是自心。更非他法。所謂非
人。燔汝是汝。燔也。比九品義。曰問曰已。亦有八寒
地獄。今文唯云地獄眾火。一時俱至。彼惡業人。豈
無亦隨寒地獄耶。答曰。是舉重攝輕。何足致疑乎。
比經十力等者。靈芝云。十力者。一是處非處力。知佛

諸法因緣果報後是因果是生是果二業智力佛知一切衆生
後是因不生是果佛悉通知世四根力佛知他衆生
三世諸業三定力佛知一切四根力諸根上下也
因緣果報三定力佛知一切四根力諸根上下也
五欲力佛知衆生六性力佛知世間七至處道力
佛知一切佛知衆生八宿命力佛知宿命一世九天眼
道至處相佛知衆生十漏盡力佛諸漏盡故五分
力佛天眼業報等相也十漏盡力佛諸漏盡故五分
中上三可解修因感果各解脫五住二死究竟永
盡果後起用各解脫知見戒度云初十力天台
云通名力者即諸佛所得如實智用通達一切了
了分明無能壞無能勝故名力也大菩薩亦分得

此力但比佛小劣不受其名五分上三屬因戒禁
業非定止散乱慧破會惑由因取果即得解脫天
台云解脫即是涅槃之門行者得入涅槃故名解
脫佛地論云前三是因後二是果由慧斷惑感無
之麁名解脫出纏破障及照自心各解脫知見上
罪人既聞弥陀名号者問經云聞說十力光明五
分法身何云名號答准知上下此品之人亦念佛
名况乎知識亦說弥陀佛故十力五分法身唯是
名号所有功德加之善友廣說光明神力光明即

是名號功德何聞其德不念名号般舟讚云下品
中生凡夫等破戒偷僧造眾罪乃發大慈悲教念
佛地獄猛火變風涼上惣讚云急勸專稱彼佛名
化佛菩薩尋聲到上群疑論五云下品上生下品
中生下品下生三處經文咸陳唯念阿弥陀佛往
生淨土此答念佛言小之問問當品念佛為唯意念為亦口
稱者此亦口稱五會讚云下品中生黑業迎因稱
佛号免泥梨上惣讚中云專稱彼佛名亦云尋聲
到故一義云此但心念經不云稱故般舟讚中下

上云一聲稱佛下云聲下連注當品唯云教念
佛不云稱故禮讚後序云十聲一聲一念等是似
舉下下等三品一念之言可當品故經除八十億
劫生死之罪者問下上一稱但除五十億劫今一
念滅八十億劫有何意也答群疑論六云問曰何
故觀經說下品上生至心稱佛滅五十億劫生死
之罪下品中生聞佛功德下品下生稱彼佛名俱
滅八十億劫生死之罪何為同念一佛功德不殊
滅彼罪慙少多有異也釋曰此有二意一釋言念

佛功德齊理應滅罪無別但以三品罪人惡業有
其多少下品上生罪少唯有五十億劫之罪障生
西方下二品人罪漸多故有八十億劫等罪為彼
罪有階降說滅多少不同非是念佛功德殊令其
滅罪差別此下有註士二釋言念佛名号雖復不
殊由念佛心至誠差別故令滅罪多少不同下品
上生罪業輕薄死無惡相怖心不極雖至誠念佛
但能滅彼五十億劫生死之罪下品中生地獄猛
火一時俱至罪人怖念佛至誠由心徹到滅除

八十億劫重罪問若然言下品下生怖最重應
言念佛更滅多懃何故同前八十億劫答行者命
終時其氣力虛微盡力至誠只至於此力有分齋
豈能多乎以罪既多障生淨土令具十念滅罪方
同始得往生清淨佛土此下有神刻九品義云問
曰彼佛刹生豈有差別何故下品上生之中說稱
佛名故除五十億劫生死之罪今此品中說除八
十億劫生死之罪下生中說十念之中念十除滅
八十億劫生死之罪乎答曰非是彼佛濟物不同

但由念者罪有輕重致令生死滅有差別此經化
為清涼風者猛火去化佛來故云化為風等又正
觀記云聞法中境隨心變者心生法生心滅法滅
當知猛火涼風皆由心具一念惡則涼風即猛火
一念善則猛火即涼風所謂要在心垢淨取證如
變掌也此九品義云苦之與樂本無定相但由人
心有此不同是以犯惡之昔雖迎捺落之火念佛
之今忽遇清涼之風有信必應此之謂哉此天華
隨風來等者天稱美言如云天香等經經於六劫

者准下下品可是大劫問上六品及下上品華開
遲疾相順然下上品七下中品六劫遲疾遙隔
未知其理答大聖金言非凡所測又以極速極遲
之義可會此文五明第十門中經七寶池中蓮華
之內者問准上下品可攝第九門何今屬第十門
答此之二句縱容不定若為句末者應第九門攝
若為句頭者應第十門攝六明得益中領解發心
者義推必是十信發心也

本曰次就下至下品下生竟

釋云上來第二解下品下生已竟自下第三解下
品下生中三謂標釋結釋中文自爲七二明弁定
其位中具造五逆等重罪者此人非唯造作五逆
亦造十惡故云具造是以經云五逆十惡具諸不
善問下上品云十惡輕罪今言重罪豈非相違答
今言重者約五逆故非必十惡亦云重罪又重之
中可有多差故故不相違問可有具造五逆者乎
答龍興云問頗有具造五無間也有說無有此業
極重無器能容有說有造迦葉佛時華上比丘具

造五業及斷善根比丘言五逆者俱舍十七云一者
害母二者害父三者害阿羅漢四者破和合僧五
者惡心出佛身血如是五種名爲業障比丘若約五
逆判輕重者論十八云雖了法非法爲欲破僧而
起虛誑語顛倒顯示此無間中爲最大罪由此傷
毀佛法身故障世生天解脫道故謂僧已破乃至
未合一切世間入聖得果離染盡漏皆悉被遮習
定溫誦思業業息大千世界法輪不轉天人龍等
身心擾亂故招無間一劫異熟由此破僧罪爲最

重餘無間罪如其次第第五三後十漸輕第二最
輕恩等小故此光記云天授雖了八正是法五法
是非法爲欲破僧起虛誑語顛倒顯示五法是法
八正非法此無間中爲最大罪由此傷毀佛法身
故障世生天道及涅槃道謂僧未合一切世間應入
聖應得果應離染應漏盡皆悉被遮修習諸定溫
誦經典思聞等業皆悉止息法輪不轉皆身心亂
故招無間一劫異熟由此破僧五無間中罪最爲
重餘四無間罪如其次第第五出佛身血第三殺

阿羅漢第一殺母此三如次後十漸輕第二殺父
最輕恩等小故等謂等取德恩二田中德田勝恩
田以彼德田能拔有情生死苦故故於德田罪重
恩田就德田三中破僧最重害法身故諸佛所師
所謂法也次出佛身血罪重以佛功德勝阿羅漢
故又是師故次害阿羅漢輕故於德田中以後德
少故所以罪輕前德多故罪重就恩田二種中父
恩少母母懷長養慈恩多故故母重父輕比又大
乘明五逆如薩婆尼乾子經說三明簡機造惡中

經應墮惡道者惡道之言雖通三途今取地獄別
名惡道又上品云應墮地獄彼次罪故生報唯在
地獄一道不通鬼畜此品之人具造逆惡諸不善
故非直生報墮於地獄後報亦通餘鬼畜等是故
摠云應墮惡道非業小受報非因不受果者業是
惡業報是生報謂依惡業方受猛火缺床等苦因
是習因果是習果謂多欲者墮地獄已倒見苦具
謂爲欲境習果必尅其報習因定助其業故今并
舉業報因果以釋成也問習果若起欲樂想者今

文何云果報俱苦答習果顛倒雖謂欲境其實是
苦是故今文果報屬苦經經歷多劫者問爲是順
生業爲通順後等答凡判逆報部部不同若有部
意只限順生業不通順後等一逆成引業餘逆是
滿業頌曰隨罪增苦增若經部意五逆罪報通順
生後所謂二逆二生二劫乃至五逆五生五劫若
大衆部及大乘意五逆唯於順次一生一逆是一
劫乃至五逆是五劫也觀佛經云具五逆者是滿
五劫靈芝云隨犯一逆阿鼻一劫何況多犯故經

多劫上問曰等者料簡兩經除取不同問意可見
答中此義仰就抑止門者抑謂遠抑止謂止息對
未造罪方便言除是抑止義教門難測仰圖佛意
故名爲仰問抑止攝取爲屬何佛答今釋恐是屬
釋迦佛以文云如來方便止言不得往生故又以
文云還發大悲攝取往生故此乃說大經時對未
造機雖云除逆謗說觀經時對已造機還起大悲
能令攝取故知抑止攝取并屬釋迦問唯除之言
在本願中何以此文屬釋迦語答雖在願中既在

不取正覺之後故知釋迦護未造機欲息逆謗加
方便言若法藏語者可在敷捨內如彼十五二十
二願中除言在於正覺之上問聞除音中容有已
造生怯退心聞攝言中容有未造起恣造心故懔
興云有說對未造者言除對已造者說生此亦不
然未造者尚除况亦已造者若已造今進故無此
失者未造應令退耶上此責亦當今家所立此破
何通答說大經時未有逆者如來方便偏說唯除
說觀經時闡世造逆如來大悲偏說攝取故無有

失問闍世雖造逆不在斯會亦不生極樂何開逆者攝取之義答此是將護韋提妄執故佛攝逆息彼愁憂如五色光益於父王除夫人歎問在世可尔若約滅後猶不免難答佛滅度後有弘教人傳佛意故故無難也又唯除者弥陀抑止故群疑論三云阿弥陀陳四十八弘誓願於發心初住之前釋迦說十六觀經於妙覺成道之後中間相去懸隔無量阿僧祇耶如何招難於不可數劫之中雪過於下品下生之日比然謗法之罪等者謗法生

不生如玄義記經云猶如比丘入三禪樂者是隨義轉用也悲華云時轉輪王頂戴一燈兩肩者左右手其二膝上兩足趺上亦各一燈如是竟夜モトメテ供養如來佛神力故身心快樂然有疲極比譬如比丘入第三禪轉輪聖王所受快樂亦復如是比涅槃二十一云有佛世界名曰不動若有衆生聞其華香身心安樂比譬如比丘入第三禪比觀佛經亦有此文今轉用此等文也問大經云其胎生者受諸快樂如忉利天上比平等覺經大阿弥陀經亦

同此說何不依此轉用他經。答穢土快樂極在三禪。改引而類。四明闡法念佛得蒙現益中。即有其十。若問如此。下至生死之罪。有八。子段何云。有十。答命終之時。已下縱容不定。即有開合。二意一者。開為別段。現當二益。是不同。故二者合為一段。上下同是第九門。故以此義揔科。約開子段。約合如所現之形。等文。經為說妙法。教令念佛者。准下中品。知識為說。彼佛十力光明神力五分法身等妙功德。安慰行者。教念佛名。然此品人。逆罪障心。加

以苦逼是故。失念更不領解。不念佛名。善友知其不受教。故更轉廣教。直令稱名。又靈芝云。初說妙法者。讚淨土也。比白蓮記云。此有種種。或云阿彌陀。大慈大悲。能滅汝罪。能得救汝。况前心造罪。因妄想心迷倒。乱故。今若歸心。真實能為一切救護。如是云妙法。比闍師云。說厭欣境界云。妙法。比知苦失念。轉教口稱者。問言失念者。即翻正念。若失正念。何得稱名。答苦痛逼。故聞廣教時。雖失正念。聞略教時。即得正念。以稱佛名。非是失意名。為失

念也。經令聲不絕，具足十念者，念聲同異如決疑鈔問將為逆者，不滿十念而得往生。若言生者，文云具足十念，般舟讚云聲不連注滿十念。若言不生者，名号功用不可思議，設不滿十可生淨土。答此義難測，但先師云：惟今經釋逆者必滿十念方得往生。凡如此事，偏仰佛教，何為異解？但會難者，十念滅五逆，豈非難思？益感師云：如其造逆，必須滿十闕一不生。慧心判十中類復有義一念佛逆有經云：四重五逆諸眾生，一聞名號必引攝。

何況至心念佛者，定生九品妙華臺。又願成就云：乃至一念即得往生。唯除五逆等。大師釋本願唯除云：此義仰就抑止門中解。知言除者，且是一往抑止門也。以實而論念佛之力，滅五逆罪。然十念一念兩處，文下同云：唯除彼此同。可抑止門義。若依攝取一念攝逆其義，分明天台疏釋下十品云：善心相續，至於十念，或一念成就，即得往生。五會讚云：十惡五逆至愚人，永劫沉淪在久塵。一念猶得弥陀號，至彼還同法性身。後善導說何

違今家寶王論中云問一念十念往生淨土何者
為正對曰但一念往生住不退地此為正也至乃又
大無量壽經明一念十佛皆得往生觀經十念良
有以也蓋為遭疾羸力微心劣故須十稱弥陀以
助其念若心盛不昧一念生焉此經於念十中除
八十億劫者一念除單八十億劫罪十念合論即
滅十箇八十億罪懷感憬興等皆存斯義問寶王
論云一念弥陀佛即滅無量罪比若余初念時所
有多劫罪皆悉可滅盡何及十念漸次除盡答眾

生業成未必一准或一念等或十念滿以根別故
今說其一故云滿十又無量者有量也即指八十
云無量也如劫初人壽云無量歲况不云劫何成
相違問今滅罪者為滅業體為滅業用答除牽果
用不滅業體群疑論中不滅種子即其意也此之
業體至斷惑時方能滅盡惡逆之人雖有業體依
念佛力故除滅繫縛用不生惡趣方生淨土辭如
一聞妙香不聞惡香豈得言全無惡香體雖有惡
香體妙香勢力除遮餘香令不薰馨善惡二業其

相亦尔。經見金蓮華者，般舟讚云：下品下生，凡夫
等眼前，即有金華。現金華光明，照行者身心歡喜。
上華臺，群疑論七云：此有三義。一釋云：此非往生
人華也。此或是佛來迎，佛所乘華也。其人障重，不
感見佛，但見佛座，猶不分明，猶如日輪朦朧似現
也。二釋云：此人障重，不感佛迎，但得金蓮引生淨土。
故觀經說：住其人前，若是坐華，經何不說坐寶華
也。三釋云：此是坐華，雖同是金華，大小勝劣莊嚴
妙自分。二品蓮異，何妨亦有差殊也。此又闍師云：

金華者，行者所託境界。比有佛迎義，順本願意。經
猶如日輪者，靈芝云：華如日輪，喻其量也。若准俱
舍日，面徑五十一由旬。今此但取此間仰望大小
未必如輪。戒度云：相現中日徑之數計二千四
十里。今取仰望者，蓋由此人功行微淺，豈能感華
如日輪。大但取團聚之狀。尔。此淨業記云：如日輪
旋轉華旋轉來。此六明得益中，經除滅罪法者，問
此人既除八十億劫生死之罪，即得往生，更有何
障云除罪數。答：有麤細所障之法。淺深有

異故此土滅往生之障彼土更滅微細之罪斯品障即有三重一往生障十念即滅二見佛障經劫償之註云滿十二大劫蓮華方開當以此償五逆之罪比三發心障聞法即除論藏中說一罪多果所謂異熟等流增上果也重不滅罪唯彼可知又感師云有微細障未盡故經說除也然罪障微劣念佛善強乘佛威神不妨生比三摠讚中十惡五逆等貪瞋者所言貪瞋即是業道若約成實貪瞋初念屬煩惱道第二念後屬於業道若大乘意不

論初後皆屬業道般舟讚云貪瞋則是輪迴業又十惡五逆及四重等即是業道言貪瞋者煩惱道也謗正法者問上釋云謗法未為今舉謗法如何相違答上消經文今存道理故無相違一念傾心者經一念時即入寶蓮三華障重者十惡五逆不出三業故結三業或本云三華各有其理中輩讚云三品蓮開正與此同有人言弘法大師御筆本云三華比本天王寺聖善房傳仁和寺德王阿闍梨又永觀自筆本云三華在禪林寺經藏云

本日前明十二觀下至正宗分竟

釋云上來料簡定散兩門義已竟自下摠結正宗分也

本日三就下至得益分竟

釋云上來第二料簡正宗分已竟自下第三明得益分中三謂標釋結釋中文自為七一牒前生後中經說是語時者指顯行緣始云余時世尊告韋提下至下品下生又戒度云今文經云說是語時及聞佛所說通指十六觀法也此問夫人樓觀已

終未聞後說僅見三尊則得無生若介佛語之文何通始終答夫人得忍之處雖在第七觀初佛語之言通指一經斯乃舉摠顯別而已諸經得益亦同此說二明能聞人中經聞佛所說者問光臺現國以前未聞佛說何云聞佛說後見極樂也答聞佛說者摠舉聞經應時已下摠舉所見此乃正明聞見和合即得法忍非是分別聞見前後三明光臺所見中經廣長之相者正指見土之處四明夫人得忍中經廓然者正觀記云廓呼括變通達之

貌也五明侍女發心中發菩提心者所言發心多在初信不可及韋提無生故夫人無生恐是七信故知侍女發心應是初信六明侍女授記中經諸佛現前三昧者闍師云生彼國已報得諸根常見諸佛不假修習方見故名現前三昧比七明諸天得益中或見釋迦毫光等者文有七種希奇之益第一是舉光臺所現第二正指住立三尊第三則是十一門中第二門意第四揔舉定散之益第五亦是十一門中五六門意第六即指去此不遠亦

是十一門中第九門之意第七亦是十一門中第七九門意此乃一形一念專精分流最上頓教理窮于斯三昧易成勝境對目億刹雖遙迎將非遠諸教所定嫌惡化善此一乘教尚攝五逆聖道出離定發無漏方越生死豈齊此經定散兩門俱出生死九品往生皆是常沒衆生即是頓中之頓諸經闕無今為諸天發心由致細舉所闡希奇法也各發無上之心者是菩提心問諸天亦發願生心乎荅亦也侍女無上心願生極樂諸天發心何非

願生同聞淨教更有何別般舟讚云釋梵護世臨空聽亦同發願生安樂但經不說文略無耳本曰四次明下至流通分竟

釋云上來第三料簡得益分已竟自下第四解流通分中三一初至其七標二一從下至自勝也釋三上來下結初標中二一揔標二會流通二今先就下別釋王宮流通一標二會流通中二明耆闍者問耆闍分是第五大段何為流通分子段答四五兩段有開合異若約開意耆闍別會亦具三段

說人說處對機別故若約合意耆闍會亦屬一經流通佛勅阿難令傳說故故遠師等皆以耆闍會屬流通也二別釋中文自為七一明請中請發之由耆阿難請發為佛答由請發即由持業釋也之者語助也又阿難欲致請即從座起是請發之由依主釋也此約初座起而標請由具足應云請發之由及正請發二明立經名中雙標依正以立經名者此就所觀依正二報以立經名又能依經等者此勸定觀滅罪生善利益以立經名斯乃初名

約觀體次名約觀用體用別故以立二名二名俱
是不通散善具如玄記或云初名唯約定善次名
通於定散又初名唯定次名唯散今云此義不然
文云三障之雲自卷言同日觀滅罪故知二名俱
約定觀四明勸人奉行中揔標定善以立三昧名
者凡流通有三一者勸持定善二者勸持念佛三
者付屬念佛當段即是勸持定善然舉聞名滅罪
為比按本而顯定觀勝也文中有四子段一舉定
行人二明定益二為比按故重舉定機四正明比

按也問三經之說今家之意處不皆以稱名念佛
為最勝行今何還以聞名為劣答一云如來說教
隨機逗緣或毀或讚其相不定今流通定故有此
比按也一云今言聞名不必本願口稱三昧只是
得聞三尊之名未及稱念故以比况問若不稱念
唯聞名者何故能滅多劫之罪答智論三十四云
有佛衆生聞名而得道者為是佛故說言我作佛
時其聞名者皆令得度復次聞名不但以名便得
道也聞已修道然後得度如須達長者初聞佛名

內心驚喜詣佛聽受要法得道乃至廣說正念歸
依者經云憶念觀察不忘故云正念心歸弥陀志
期往生故云歸依如次起行安心相也五明念佛
三昧中經若念佛者是稱念佛釋以四五兩段如
次相對觀念與稱名故憶念者定善流通若念佛
下口稱流通也問上文既云何況憶念明知若念
佛者應牒次上憶念者不尔凡此經流通即有三
段一定善流通謂行此三昧下至憶念文是也二
念佛流通謂若念佛下至佛家文是也三念佛付

屬謂佛告下文是也前二勸持後一付屬由此大
旨故憶念者則是觀念若念佛者則口稱也全非
指上憶念即言若念佛者此乃念通觀稱故上下
念其義異也念佛三昧功能超絕實非雜善等者
言雜善者是雜行也問下文云上來雖說定散兩
門之益望佛本願意在衆生一向專稱弥陀佛名
今亦應云超絕定散者往生業有三重一者念佛
二者四種正行三者雜行其中念佛最勝雜行最
劣四種正行縱容不定且對最劣歎其勝行再往

論之應云念佛超絕定散復次經文初勸觀佛後
歎念佛故今順於上下文勢且除定善復次經流
通中即有其三一流通定善二流通念佛三付屬
念佛前二勸持後一付屬於勸持中即有其二一
則流通十三定善二則應勸九品諸行雖然從勝
唯勸念佛雜行劣故不別流通其實隨機可勸九
品為顯此意不論定善唯對雜業歎念佛也經云
陀利華者大毗盧遮那成佛經疏五云復次三藏
說西方蓮華有各種一者鉢頭摩復有二種二者赤
色即此間蓮華也

二者自色今此間有優鉢羅亦赤白二色又有

白蓮華也非分陀利優鉢羅不赤不白者形似泥

鉢羅俱勿頭勿頭是蓮華青色者泥盧鉢羅

此華從牛糞種生極香是文殊所執者如青蓮分

華亦是紫也更藕健他伽華亦相似而小華

茶利迦華外華可有百葉計葉葉相兼圓整可愛最

而葉色相近也此華極香也昔瑠璃王害釋如時

大迦葉於阿耨達地取此華累八功德水灑之諸

女身心得安樂命終生天因是投華於地遂成蓮

華所引甲者是曼荼羅八葉者也茶華者即是蓮華但茶華名
振古未決近比有儒者勤得此義謂論語公冶長
篇註云茶國君之守龜云此文茶者靈龜之号也

出茶地史記電策傳云龜千歲乃遊蓮華之上云
 此文蓮華者茶所遊之華千歲龜即是靈龜故也
 以史記文案今釋意言茶華者當蓮華也經當坐
 道場生諸佛家者道場有二一應化道場謂中印
 度摩訶陀國菩提樹下金剛座上是名道場一切菩
 薩將登正覺皆坐此座上起金剛喻定也二真實
 道場謂機根熟不簡時處內證佛果天上天下山
 林河海莫非道場是以八歲龍女悟即身於海底
 之風四果驚子顯得忍於耆崛之月即其類也又
 淨影云隨化以論菩提樹下得道之處此得佛故

名為坐據實以論義有通局通則菩薩一切行德
 能生佛果此名道場如維摩說局則末後金剛三
 昧親生佛德名為道場依之得果義說為坐此問
 往生已後方成佛果若介應云生諸佛家當坐道
 場答大乘本意在期佛果是故先明當坐道場知
 所期已應求徑路是故次說生諸佛家斯乃怯弱
 之機不生淨土設經沙劫佛果難證若生淨土修
 行任運無上佛果豈為餘耳六明付屬中遐代者
 指名号流布時謂上勅阿難多為未來知今遐代

指未來也。若依大經流通節時及于經道滅盡之後百歲，此舉遠攝近也。上來雖說等者，明獨付屬佛名，不付屬餘行之由，謂上來正說中雖廣說定散往生之益，望弥陀願，故釋迦佛意使未來衆一向專稱彼佛名。故大經云一向專念無量壽佛。今一向者指彼文耳。言佛願者，生因本願唯限名号，具如玄記。又天台疏云結名爲付屬，意與今同。本曰五就下至者，闡分竟。釋云上來第四料簡流通分已竟，自下第五解者

闡分中三一初至其三標二一從下至流通分釋三上來下結釋中文自爲三即是三段又者闡分中無得益者是文略耳

本曰初從下至一部文義竟

釋云上來第二別料簡五門義已竟，自下第三摠舉五分以結一部文義竟

本曰竊以下至經法應知

釋云上來第三摠結一部五門已竟，自下第四更立後序以述經大猷及記證定相初大猷中真宗

者淨土法名真宗故五會讚云念佛三昧是真宗
又通指佛教以為真宗圭峯孟蘭云良由真宗未
至周孔且使繫心變札存類同新記芝云真宗即佛
教佛出周時教行西天故云未至至於後漢始流
此方若論祭法出於往古且取文典乘世故推周
公孔子比又五會讚云色性本來無障礙無來無
去是真宗比明知隨應可名真宗五趣齋生者大
乘之意八難皆化又大阿彌陀經上舉鳩飛蠕動
之類為往生機無量壽經上說惡趣利益故云五

趣齋生也隱顯隨機等者隱即王宮密化顯即耆
山重會小智懷疑者佛密化故因人不知智論云
佛之密意非菩薩所知比又文殊等非不知之小
聖三賢可名小智若大菩薩示不知相亦云懷疑
次記證定相中方可造心者玉云造七到切至也
止觀云造境即中遂和尚決云造猶至也指定者
玄應一切經音義云俱舍二十五云指定廣雅云
指定品式法也法華玄一云印是指定不可改易
比日別誦阿彌陀經者所以唯誦小經者文少易

誦故唯說念佛故有諸佛證故亦有護念故顯現
雜色寶山者十往生經說彼土有七寶山及七寶
塔七寶坊又大經云欲見即現常有一僧等者選
擇集云僧者恐是弥陀應現也玄義科文者玄義
是第一卷科文是後三卷科經文故文句名爲科
文脫本者可是綴文也復更至心要期七日等者
前則爲造疏請求靈驗今亦爲流布重致祈願三
具磴輪者大莊嚴論馬造云訓馬之法道立磴輪
以繫馬也行者調心亦尔比安樂集云心若散乱

時如調馬用磴比今亦如此迷心氣越猶如野馬
調斯荒心即以三心之磴輪也此乃心馳六塵鎮沉
三途佛教安心頓出煩籠也又切韻云磴磨也王

云磴

牛對居衣公裏三切空石也磨也

入宋僧云磴者茶臼也忽

有一人乘白駱駝者能乘人者或是釋迦或是弥
陀但弥陀猶親白者表善駱駝者玉云駱白馬廣
韻云大秦國長人一文五尺好騎駱駝上若准此
者駱駝表極善最上之法莫作退轉者勸長時修
不勞貧樂者勸無間修四修之中此二爲要故禮

讚云若能如上念々相續畢命爲期比今亦如此
畢命爲期者若長時修不生懈慢者若無間修云
云者云如雲謂師當重問今解此經不爲已身普
勸末代罪濁衆生欲使往生安樂國土若濁世未
代中信此解者修斯行者皆悉如我可生淨土乎
彼人應答而言若有衆生信斯解修此行無退轉
決定往生努力無疑略此問答故曰云云所以知
者以下文云上來所有靈相者本心爲物不爲已
身故十僧圍遶者弥陀既是報身推知十地菩薩

以爲所將見兩幢行者表定散二善幡懸五色者
或表五念門行或表五種五行道路縱橫者左右
爲橫前後爲縱此表十方三世往益連綿無絕行
證易得故云無礙上來所有等者如大集經等佛
雖誠顯現證而今爲今衆生信歸西義後記之
也佛眼相着者慈眼相視名爲佛眼非謂直得佛
眼如涅槃云身雖人身心同佛心請證定竟者上
來聖證名爲請證依說定判故名爲定大師製疏
意不聊余欲使未來除疑生信頓超苦海速登彼
岸今之證定意在於茲祖師云諸師製疏未必有

證但華嚴澄觀一十八年於清涼山而致祈請終
得文殊教而製八十華嚴經釋盛行於世超舊師
釋和國慈覺大師仁壽元年作金剛頂經疏一部
七卷齋衡二年作蘓悉地經疏七卷其功已畢心
念此疏通佛意否若不通者不流傳世矣安置疏
於佛像前七日七夜尅念祈願至第五日時夢當
午正中仰見日輪面以弓射之其箭當日輪動轉
覺後深悟達於佛意可傳後世云彼等感應未知
今證定或曰去真應三年正月二十五日比丘尼

淨意

聖覺

為法然上人第十三年報恩書寫淨土

依憑經論於二尊院開題供養導師聖覺云先師
法印示予云見聖教時先雖不委粗見一遍可明
義門也云其次語云大唐善導依釋迦諸佛指授
製觀經疏是奇異也而當初雖聞不及尋訪今親
見之實難思議一句一字不可加減一如經法都
無類例也云予列題名座正聞此說云一如經法
者既得感夢造此要義全是經法而已抑去康元
二迴訂三月廿一日於下總光明寺始書正嘉二

曆^{戊午}三月廿九日於同國西福寺終功予卅八於
西海聽受六旬於東里漆削或載竹牒之真文符
此意趣或拾蘭菊之異說驗彼義勢今又建治元
年齡闡七旬有七於鎗倉悟真寺始自去年正月
十六日至今年十一月十六日重以治定已竟
多日涿筆又費心眼此功非他徧為出離誰非聖
人爭不守株決其真偽期彼開悟願以此功德平
等施一切同發菩提心往生安樂國
觀經散善義傳通記卷第三

149684

右傳通記十九冊於清江早學五拾之年可也
己修發祥抄子教所年己

